

أمي

قالت محمد وقلت عروق قلبي سمي
 قالت محمد وقلت العز ياطاربه
 قالت العجمان لو تطمع بشربت دمي
 وش تسوي وانت عجمي فامك المريه
 قلت لاثموتين والا مت شيلي همي
 يافديت رجولش الثنتين يارهابيه
 دوريلي ثار مايتمد لابنا عمي
 ماهيب لحيه بني عمي قالت لي هيه
 انحري عود الضلوع الكايدات وزمي
 واسكني قلبي بحد السيف والشبريه
 وخلي اذنش ثابتته واللي تسولف فمي
 والله ان اذبح من العجمان لش عجميه
 ويمكن أطلع ابي من قبره المنظمي
 وأذبحه تسعين ذبحه بالدموع الحيه
 أذبحوني يآل مره واستبيحوا دمي
 والله ان اموت وانا احب لي مريه
 لاحد يفهم خطا ترى القصيدة في أمي
 قلتها وانا حزين وجت تلقائيه

محمد ابن الذيب

ياحسن من عادني طفل مانيب أسمي
 معظم الأشياء باسمها وقدني صيه
 كل ماقلوا عروبه قمت أشمر كمي
 العروبه سوقها طايح على ربيه
 اسمع بقومية معمر وذبح الذمي
 لكن الذمي بخير وماتت القوميه
 بس أنا من هل قطر ولانيب مهتمي
 لي مع بوش الابن علاقة شخصيه
 عندنا أكبر قاعده تشرب زحاح السمي
 يعني امريكا خويتنا ماحن بشويه
 أي واحد منكم يحاول يفور دمي
 والله ان أعلم القوات الأمريكيه
 مشكلة شاعركم انه مايخص يعمي
 تختلط الأفكار والشهره على النفسيه
 ابردي يالهوة الجمهور والا حمي
 مستعد أضحك الجمهور في مرثيه
 وياهجوسي نمي الفكره وانا بنمي
 دهشة الجمهور من تركيبه القافيه
 من ثمان سنين أبغى اكتب قصيده فأمي
 بس أخاف الرجال تقول وش داعيه
 وانته جنوبك كبار وعظمك الملتمي
 مايساعد هيكلك أصلا على الحنيه
 لين مره من حدى المرات لدت يمي
 غترتي في حضني ومدري وين الطاقيه

